

RAD U MREŽAMA I UMREŽAVANJE

U okviru Referentne grupe NVO-a Tuzla (formalna mreža 99 međunarodnih i lokalnih nevladinih organizacija) djeluje i radna grupa za Psihosocijalnu zaštitu koja je izuzetno aktivna. Radna grupa se i neformalno umrežila sa vladinim institucijama (Dom zdravlja, Sud, Centar za socijalni rad, policija) kako bi se stvorila mreža svih aktera uključenih u problematiku rješavanja nasilja u porodici.

Radna grupa uz podršku pravnice iz okvira projekta UHD „Prijateljice“ besplatne pravne pomoći je izradila prijedlog zakona o kažnjavanju počinioca nasilja, koji je predstavljen relevantnim ministarstvima na kantonalnom i federalnom nivou, a uz povremeno organizovanje okruglih stolova i javnih rasprava zalagali smo se za usvajanje ovoga zakona.

UHD „Prijateljice“ su podržavale inicijativu za stvaranje strategije održivog NVO sektora u BiH oko koje se okupilo oko 220 NVO širom Bosne i Hercegovine, a „Prijateljice“ su predsjedavale Radnim stolom koji je izradio Kodeks ponašanja za NVO-e u BiH, što čini jedan dio u izradi pomenute strategije. Inicijativa je pokrenuta od strane Centra za promociju civilnog društva Sarajevo, a Sporazum o saradnji između Vijeća ministara BiH i NVO sektora potpisan je od strane predsjedavajućeg Vijeća ministara gospodina Nikole Špirića 2007. godine.

USAID-ov program institucionalnog jačanja i razvoja lokalnih NVO-a u BiH dodijelio je priznanje UHD „Prijateljicama“ za uspješno završen program ORT-a unutar demokratske mreže za razvoj i održivost NVO-a, marta 2001. Između izabranih 50-tak NVO u BiH, UHD „Prijateljice“ su među prvih 18 uspješno završile ORT-ov program.

Putem učešća na seminarima organizovanim od strane Biroa za ljudska prava Tuzla na teme o demokraciji, ljudskim pravima, organizacionom menadžmentu itd., UHD „Prijateljice“ sa još 10-tak NVO iz BiH čine „Mrežu 10“ unutar Balkanske mreže za ljudska prava.

Od aprila 2003. godine UHD „Prijateljice“ su aktivne na Freja programu mentorstva, koji ima za cilj osnaživanje i edukaciju 5 žena iz Bosne i Hercegovine („Žena BiH“ Mostar, „Žene sa Une“ Bihać, Udruženje stanara Sarajevo, Općina Tuzla i UHD „Prijateljice“).

Mentori su stručnjaci raznih profila iz Švedske, a do proljeća 2004. održalo se niz edukativnih seminara za sve učesnice projekta koje dolaze još iz Hrvatske, Makedonije (Asocijacija Udruženja žena Makedonije, Skoplje) i Srbije (Udruženje žena poduzetnica Beograd). FREJA program podržava Olof Palme međunarodni centar i Udruženje stanara regije Aros Gavle, Švedska.